



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Illvstrivm Societatis Iesv. siue in Anni dies
digestæ Mortes Illvstres Eorum qui ex eadem Soc. Iesu, in
odium fidei, pietatis, &c. ... confecti sunt**

Nádasi, János

Romæ, 1657

Maivs.

urn:nbn:de:hbz:466:1-44029

ribus atque laboribus, inter
summa patientiæ documen-
ta, imposuit.

MAIUS.

P. Ioannes Pereira.

CVM P. Gaspare Paës *Lusitanus.*
(de quo dixi 25. Apri- *Assæ.*
lis) in Æthiopia inclycis la- *2. Maij.*
boribus felix, lanceis con- *1635.*
fossus, sub accenso fæni cu-
mulo positus tum adhuc spi-
rans; inde à pia fæmina eru-
tus, à Christianis fatus, Assæ
tandem 2. Maij diem extre-
mum gloriosâ morte con-
summauit.

P. Henricus Garnetus.

Coniurationem à Catho. *Anglus.*
licis quibusdam temerè fa- *Londini.*
ctam in Anglia, vt subiecto *3. Maij.*
puluere pyrio summa quæ- *1606.*
que hostium religionis Ca-
tho-

*Confessa-
rius.*

tholicæ capita, dum essent
in comitio, tollerentur, co-
nabatur consilijs omnibus,
vijsque licitis impedire: sed
agere quod libebat ei non
licuit, cùm id secretum in
Sacramento, adeoque sub
figillo confessionis, accepif-
set. Erupit conspiratio: &
Henricus in eius suspicionẽ
vocatus est, quòd eius con-
fiscius eam non impediuiset.
Sumptum de coniuratis pro-
ditione detectis supplicium:
Henricus datus in vincula:
ibi variè laboratum, famis
quoque tormento adhibito,
vt proderet ea quæ in con-
fessione audierat. Fortiter
noluit: & in Senatu ita ca-
lumniam diluit, vt palàm
omnes innocentia illius an-
nuerent. Rogatus; num Ec-
clesiam Anglicanam hæreti-
cam

cam esse censeret? Respon- *Fides*
 dit: Hæreticum esse qui Ro-
 manum Pontificem non a-
 gnoscat. Quocirca damna-
 tus est capitis, quòd secretū
 in confessione auditum non
 reuelasset; quòd Sacerdos;
 quòd Iesuita esset. Magnum
 Iesuitam, & paruum Papam
 eum vocabant passim. In-
 mortuali pegmate fidē Ca-
 tholicam professus, & hære-
 sim detestatus, Catholicos
 tamen monuit, vt à machi-
 natione omni abstinerent;
 Deum sua curaturum. Deni-
 que tam piè, tamque con-
 stanter in extremo illo vitæ
 articulo rem gessit, vt dice-
 retur, tantundem illâ suâ
 fortitudine, quantum 20. an-
 norum laboribus, rei Catho-
 licæ profuisse. Ioannes Vvil-
 kinsonus, qui aderat, post

*Imago in
spica .*

eius mortem in spicam incidit occisi Garneti sanguine aspersam, in quâ, crystallo inclusâ, conspecta est effigies Garneti vultum referens. Vidit id Ioannes, eiusque socius; vidit matrona quædam nobilis, & alij; legatus quoque Hispanus, qui sexcentos aureos pro ea offerebat. Pictores à PseudoEpiscopo accersiti, & iussi miraculum imitari, id supra suæ artis imitationem esse dixere. In fronte imaginis crux erat stellæ inclusa: mentum occupabat Cherubini alatum caput; in vertice corona velut graminea visibatur. Testatus hæc est Ioannes iuratâ fide; dixitque visum sibi in-
tueri Garnetum in cælo inter Sanctos non postremos: se quoque lumine magno
im-

Mors .

impletum. Affixa sunt palam dissecta membra, & caput; quod visum est circulo purpureo ambiri. Spica illa, periculosè parturientem faminam iuuit; aliam à diris doloribus liberauit: strophium Garneti sanguine imbutum, à puero febres abegit. Verum, ac celebre est de hoc anagramma P. Gualteri Paulli velut vaticinium reperientis in nomine: Pater Enicus Garnetius: Pingere cruentus aristâ.

P. Georgius Caruabal.

Cum Rudolpho Aquauia, & socijs, cruentis illis fidei Christianæ heroibus, vectus in Indiam, post Novitios Goæ laudatè institutos, in Scimo Iaponiæ Insula, Regnoque Bungenfi, postea Firandi, fidei propa-

*Lusitan^o.
Ikizuki.
5. May.
1592.
etat. 42o.
Soc. 24.*

G 3 gan-

Fides .

gandæ operam insignitè nauauit. Porrectum illi à barbaris venenum, eum dolore capitis acerbò, deinde febris inflammata, mox vomitu cruento, afflixit; & octauo post die morte oppressit.

P. Stanislaus Brunonius, & socij .

*Polonus.
in silua.
5. Maij.
1642.
etat. 52.
Soc 32.*

Cùm socij ad Schismaticos Ecclesiæ reddendos adhibiti laborarent, inito senaculo decreuère schismatici, vt Patres, vbi vbi possent, occiderent. Factum id per conductos ad id sicarios schismaticos in silua decè quercuum dictâ, operâ latronum dicentium: Non vestra, sed vos quærimus. P. Stanislaus Brunonius iam aliàs odio erat Schismaticis, ob non vnâ de illis relatam victoriam, coram Proceribus; & quòd

quòd (summo certè Schif-
matici Archimandritæ do-
lore) primus ipse Periasla-
uia Catholicum templum, *Fides*
primus tam exosa Schisma-
tici Societatis Iesu domi-
cilium collocârit, Scholas
Catholicas aperuerit; ac
Schismaticos non paucos
orthodoxis adiunxerit. Cùm
Iaroslauia Rector Collegiũ
gubernaret, apparuit illi Al-
bertus Mechouski è Socie-
tate Scholasticus ante annos
ferè 17. vitâ functus, San-
ctorum communionem, id- *Purgato-*
est, leuamentum poenarum, *rium.*
petens: apparuit & Illustris-
sima Dux Iaroslauiensis sex-
to à morte mense, & dixit;
Pater, cur promissa non exol-
uis? Mox ille promissa 60.
sacra pro illa curauit. E-
missione (vbi vnionem Ru-

thenorum, ut vocant, seu cum Romana fide coniunctionem curârat) reducis caput à grassatoribus securi percussum, & guttur sagittis semel iterumque confossum est.

P. Gaspar Vvoynicz.

Polonus.
ibid.
ætat. 30.
Soc. 9.

Internectus cum P. Stanislao, cum sagittâ in manus dextræ palmâ fuisset vulneratus, & bis securi percussus in collo. Fuit Gaspar zelo, pudicâ modestiâ, & illo potissimum elogio inclytus, quòd nullum unquam vllò dicto vel facto læserit.

Lingua.

P. Christophorus Carnostavius.

Roxolan^o.
ibid.
ætat. 40.
Soc. 18.

Vnâ cum his cecidit pari de causa. Fuit perpetuâ virginitate, ac fidei Catholicæ zelo planè insignis. Ei Popus, ut vocant, seu sacrificulus schismaticus, persapè
ma-

malè minari. auditus est, eò
 quòd (Dominâ Regni Can-
 cellariâ impensè adnitente,) V. 8
 in ipsius bonis templum,
 ademptum Schismaticis, ri-
 rui, & concionibus, ac vsibus
 Catholicis transcripsisset.
 Vnde illi, cùm à grassatori-
 bus cæderetur, dictum: I-
 nunc, sceleste; & conciona-
 re. Dictus est *flagellum Schis-*
maticorum: & per quietem,
 audire sibi visus est vocem;
Vis esse Martyr? Cui ipse
 respondit: *Amen*. Fuerit
 id. seu præsignificatio, seu piũ
 somnium; certè cruentus, &
 gloriosus occubuit; claman-
 te interea sicario: *I nunc, &*
concionare, sceleste.

Ioannes Domagalski. Coad.

Accessit tribus maioribus
 illis victimis quarta victima,
 eorum comes. Fuit silentij,

Polonus.
ibid.

etat. 36.

Soc 8.

B.V.

& laborum amans ; ac Dei Matri pro vocationis per illam adeptæ beneficio , quotidianâ eiusdem officij recitatione gratus . A missione cum Patribus redux , in silua sagittâ in corde traiectus occubuit . De hisce quatuor perhibet fama constans ; in loco, vbi occisi sunt, lumen, cōspectum: vti & in templo, in quo sunt conditi, lux quædam totum templum illustrans apparuit plus quàm horæ integræ interuallo .

*Mors.
Lux .**P. Ioannes Bapt. Baëza .**Hispanus .
Nanga-
sachi .
7. Maij .
1626
ætat. 68.*

Pietate , impigritate , ac dicendi neruo tantus fuit, vt per annos 36. Christi nomē plenâ vbique messe per Macaum, Goam, Mozambicum, ac per varia Iaponiæ Regna circumferens , intra triennij vnus interuallū facile

cilè 75 .millia capitum adul- *Fides .*
torum Christi baptismo ab-
luerit, vt paruulos taceamus.
Perfæpè illo baptizandi la-
bore adeò fessum videre
multi, vt vix brachium attol-
lere, imò aliquando vix il-
lud commouere, potuerit .
Furente Daifû persecutione,
quà acerrimis per anni spa-
cium morbi doloribus, quà
paralyfi prostratus, cistæ, seu
arcæ, includi debuit, & in
exilium deportari; cùm ne-
sic ægroto quidem quies
concederetur. Nangasachi
in carcere ærumnis extincti
eius corpus quæsitum est
flammis à barbaris abolen-
dum .

P. Gaspar de Castro .

In Societatem pro Coa- *Lusitanus .*
diutore cooptatus, P. Seba- *propè*
stiani Morales Iaponiæ Epi- *Arimam .*
scopi *7. Maij .*
1626 .
ætat. 66 .

G 6 scopi

Fides .

scopi comes fuit . Postea cum P. Petro Martinez, Sebastiani successore, Macaum deuectus, & ibi disciplinis necessarijs instructus, initiatus, in Iaponiam ductus, ibi veterum Christianorum ritu ac more semper fessus, & semper laborans, atque in seipsum sæuus potius quam seuerus, mira in speluncis, in quibus latere cogebatur, perpeffus est . Ita ærumnosam, sed felicem, mortem è sepulchris illis hausit, semper viuens in spe martyrij . Anno 1614. socijs è Iaponia proscriptis, ille clam è nauigio adrepebat ; & saluti octo millium Christianorū consulebat per continua capitis Deo in victimam deuoti pericula . Aliquando in feretro, velut mortuus, elat.

Zelus .

elatus est; vt exploratorum,
diligentiam, & artes effuge-
ret, morte per vitam ita sē-
per afflictā productā in ob-
sequium animorū: id quod
per annos 24. est nauiter e-
xecutus.

P. Franciscus de Mendoza,

Hic anno 1621. 17. Iunij
Societati adscriptus, postea
cū in Mindanao Philippi-
narum Insula Mahometanis,
ad Christum reducendis in-
fudaret, illorum insidijs in-
terceptus, & per plura vul-
nera peremptus est: minatis
id antea barbaris; ei qui ad
fidem prædicandam istuc
uenturus dicebatur, se cla-
uas suas in pectus illifuros,
& animam elifuros. Quidam
frustulum è Patris zonâ in
aquam intinxit, & aquâ
illâ epotâ grauem mor-
bum.

*Lusitan^o.
in Philip-
pinis .
7. Maij.
1642.
ætat. 40.
Soc. 21.*

Fides.

bum discussit.

P. Gonzalus Cardoso.

*Lusitan⁷.
in Aethio-
pia.
22. Maij.
1574.*

*Mons pre-
dicta.*

Anno 1556. Goam, inde
cum P. Andrea Quiedo &
socijs anno 1557, in Aethio-
pam appulsus: per multas
ærunnas, perstudiosè præ-
alijs erudiebat monachos à
schismate deprauatos. Pe-
riculis delectari videbatur,
& esse magnes voluntatum;
quas mirà dexteritate tra-
hebat à dissensionibus ad a-
morem. Cum P. Francisco
Lupio ad pagum quempiam
itinere dierum quindecim
profecturus, obedienter ac
hilarè se ire dixit; at prædi-
xit se inde minimè rediturū,
imò eò ne peruenturum qui-
dem. Per iter, affirmavit
Lupio; mortem sibi proxi-
mam imminere: illumque
impensè rogauit; vt seipsum

in

in tempora meliora seruaret incolumem pro communi bono. Progressi, ab erumpentibus ex insidijs latronibus inuaduntur. Lupio repente se abdente, Cardoso primo vulnere ictus concidit, atque occubuit. & omnium celebratione vulgata fuit sententia, illum Orthodoxæ fidei odio interemptum.

P. Ioannes Bapt. Macciadus,
seu Tanora.

Anno 1601. in Indiam,
1609. in Iaponiam prosperè
penetrauit; & ibi laborauit
vsque dum anno 1617. 22.
Aprilis, dum confessione au-
ditâ, formulam absolutionis
pronunciaret, captus est ab
insidiosis exploratoribus,
qui ad Christianos indagandos
erant submissi. Miram.

Lusitan^o.
Nangasacki.
22. Maij.
1617.
ætat. 36.
Soc. 20.

Fides.

*Charitas.**Pati.*

cordi suo afflari lætitiã
 aiebat, quoties cogitaret,
 quòd iam olim septem tan-
 tum annos natus, auditis
 Christianorum apud Iapo-
 nes triumphis, ad eisdem,
 toto iã tunc desiderio exar-
 fisset. Omuræ in carcere,
 cum alijs adeò lætus egit, vt
 fuerit contestatus, se ne qui-
 dem cum orbe vniuerso fe-
 licitatem illam commutatu-
 rum. In epistolis gratias
 Deo reddebat amplissimas
 pro re tam magna: & ne-
 gabat, se vnquam altius di-
 uinæ scripturæ adyta intro-
 spexisse quàm in carcere,
 Omurano, in media illa pa-
 lude. Tam ipse quàm P.
 Frater Petrus ex Ord. S. Frã-
 cisci, pridie diuinitùs intel-
 lexêre, imminere sibi postri-
 diè supremum diem; idque
 al-

alter alteri lætus aperuit.
Hoc die ad decretorium tri-
bunal ituri, cadentibus lætis
lachrymis, iucundè cecinère:
Te Deum laudamus; & proli-
xè in se verberibus sæuère,
Deo supplices, oratione
productâ. Scribebat; mori
se plenum solatij quod hau-
riebat à bono Iesû cui mo-
reretur, cuius odio mortem
sibi aiebat inferri; & mortis
nuncium vocabat nuncium
laureatum. Tum secuti psal-
mi, & verba inflammata, &
vicissim alteri ab altero fa-
cta confessio. Ad mortem
educendi, Litanias Sancto-
rum omnium recitabant.
Educti verò sunt ad sacrum
illum Nangasachi collem
cum Crucifixo in manu. In
loco illo gloriæ iterùm se
inuicem expiant pœniten-
tiæ

*Oratio.
Mortif.*

*Appara-
tus ad
mortem..*

*IESVS.
MARIA.*

*Mors. o.
Lux. o.*

tiæ Sacramento, amanter se amplectuntur, gladio cæduntur. P. Ioannes Baptista vno accepto vulnere exurrexit, IESVM, & MARIAM pronunciauit; & iterum, ac tertio faucius obtruncatus est. Aiebant tã Neophyti, quàm gentiles; in eo vbi duo hincæsi sunt loco, sæpius conspecta sibi esse duo sidera pulcherrimis radijs mirum in modum nitentia. & quod lætabile est cum primis, ille qui P. Ioannem cepit, ac obtruncauit, eodem anno mense Nouembri Omuræ Christianus, in eiusdem fidei odiũ occisus, Ioannem secutus est. Aiebat P. Ioannes; sibi tres in vita dies omnium, longè iucundissimos illuxisse: primum eum quo Societatem, alterum quo carceres fuif-

fuiſſet ingreſſus ; tertium
verò eum quo mortis in hac
cauſa oppetendæ nuncium
accepiffet .

P. Hieremias Fiſcher .

Græcij Styriæ literis ope-
ram dedit , Deiparæ Virgi-
ni religioſè admodùm addi-
ctus , eiuſdemque Foyenſi
lapillo à peſte ibidem repē-
tè curatus . Quidam de So-
cietate (quocum Hiere-
mias in ſingulari Dei Matris
cultu peculiari quadam ne-
ceſſitudine conſpirârat) poſt
mortem illi apparuit , & ar-
dentem aliàs in Hieremiæ
pectore in colenda Deipara
pietatem acriùs inflâmauit ,
cùm dixit : *Sibi penes Beatif-
ſimam Virginem benè eſſe : ſe-
cuturum & ipſum breuè ; ſed
via duriorè .* Quæ autem
illa fuerit, ſeu tunc ſeu aliàs,

*Bohemus ..
in ſylua
caſus.
23. Maij.
1634.
ætat. 36.
Sec. 20.*

B. P.

*Diſce à
mortuo.*

cer-

Mors 2

certè diuinitùs , intellexit Hieremias , dum eas quas dixi mortui amici voces amico cuidam referens, adiecit ; se in sylua quapiam cæsum iri . Factum id in ea sylua per quam iter in Poloniam intendebat Hieremias cùm Glogouiensi Collegio tunc præffet. ibi humi procumbens , & IESVM , ac MARIAM inclamans , ab hæreticis militibus *Iesuitas* , *Iesuitas* furenter succlamantibus pergere prohibitus, & globo plumbeo traiectus est, socijs fugâ elapsis . Percussor ferè post semestre, globo simili & ipse in duello ictus interiit . Parcebant aliorum vitæ, spolijs contenti hi milites grassatores ; at Iesuitas pessimè oderant , eò quòd dicerent eos ministris hæreticis

ticis esse perinfectos; item Romanam Ecclesiã nec progressus tantos habituram, fuisse in Germania, & facilius ab hæreticis labefactandam, nisi hoc genus hominũ pro illa tam solerter satageret. Auditi sunt ijdem exprobrare, quòd idola Catholica (ita illi Sanctos vocant, atque imagines) suis opitulari non possint; sed Catholicos, ac etiam Iesuitas, prosterni sinant ab hostibus. His nempe imbuti in Sociorum vitas grassati sũt.

P. Carolus Sagerius.

Ad omnem literaturam humaniorum, Philosophicarum ac Theologicarum disciplinarum vt scitè idoneus, ita obedienter promptus fuit etiam post maiora tractata se se ad minora demit-

*Gallus.
Turnone.
24. Maij.
1596.
Soc. 40.*

*Humili-
tas.*

mittere . Probitatis magnæ,
ac doctrinæ famâ illud obti-
nuit, vt ne coryphæos qui-
dem hæreticorum cum So-
cietate conferendos esse
vulgo diceretur . Veneno
sublatum è vita rumor in-
cessit: neque id ab hæretico-
rum ingenio alienum fuisse
haud ambiguus experimen-
tis accepimus . Cæterùm

*In Socie-
tate Pater
cum qua-
tuor filijs .*

Carolo illud quoque pecu-
liare, ac inter paucos pro-
prium fuisse in Societate vi-
deri potest, quòd in illa secū-
tres fratres suos, ac demum
Patrem quoq; Societati ad-
scriptos lætus aspexerit.

P. Petrus Vvrichtus .

*Anglus .
Londini .
29. Maij,
1651.
ætat. 48.
Soc. 22.*

Huius vitam & mortem
inter mortes illustres fusè
perscripsi . Post operam
religioni Orthodoxæ probè
impensam damnatus est ad
su-

suspendium, & consuetam
carnificationem, *tanquam*
Sacerdos Catholicus. Sub ip-
so patibulo quidam de So-
cietate illi, baiuli specie, ad-
fuit; & cōfitemem absoluit;
obtentu illo vsus; quasi ab
eo mandata extrema & se-
creta acciperet ad amicos
perferenda. Dicenti mini-
stro hæretico; illi veniam
eiurato Papismo minimè
defuturam, respōdit Petrus:
Faceffe, satan: si mille vitas
haberem, mille vitas morti li-
bentissimè pro Catholica reli-
gione offerrem. Magis tam
Catholicorum, quàm etiam
hæreticorum laudibus orna-
ta est illa Petri mors tanto
animi sibi præsentis robore
conspicua vsque ad omnium
admirationem.

Fides.

P.Tho-

*P. Thomas Cottamus.**Anglus.
Londini.
30. Maij.
1582.
Soc. 3.**Fides .**Confessa-
rius.**Mors.*

Auditis Indicis annuis, ad amplectendam Societatē exarsit, Romæ illam complexus. In Angliam reuersus, Dorobernij comprehensus est 25. Decembris. Londini in turri tormento, Scauingeri dicto, per horam & amplius cruciatus, totis naribus plurimum sanguinem fudit. Urgebatur vt chirographo testaretur, quid in Pij V. Pontificis, & Reginae causâ sentiret: scripsit, se id sentire quod à Romana Ecclesia dedicisset. Dum tentaretur vt in Confessione audita proderet; noluit, etiâ dirè tortus. 20. Maij capitis damnatus, trahæ alligatus, ad supplicij locum raptatus, vnâ cum socijs *Te Deum laudamus* cecinit toto itinere.

E

E
O
il
c
d
c
c
c
f
r
c
o
E
r
I
t
r
h
f
c
c
d

E plaustro, sub furca stans, omnibus benedixit. Libertas illi offerebatur, si Pontificis consilia improbaret; respondit: se ne mille quidem vitæ cum pretio à quocunque Ecclesiæ Catholicæ articulo discessurum. Suspensus, & postea ad carnificinam nudatus, repertus est nudâ carne accinctus cilicio, non sinè suavi omnium admiratione.

Cilicium.

P. Ioannes Meagh, & duo socij.

In Bohemia per iter ab hæreticis rusticis trucidatus est. In odium Catholicæ fidei patratum id esse, illud est argumento; quòd iidem hæretici rustici alios qui vnà iter habebant, innoxios, imò benè sperare iussos, dimiserint. In diuino Sacrificio, & inter colloquendū de diuinis, ardore singulari flagrabat. In

*Hibernus.
in Bohemia.*

*31. Maij.
1639.
ætat. 33.
Soc. 13.*

H Hi-

Exercitia. Hiberniam è Bohemia rediturus, Exercitia obibat S.P. Ignatij; quo tempore oborta illi est fiducia singularis, sanguinis pro Catholica fide fundendi. Socij, qui cum eo tunc cecidère, fuère Coadiutores duo; alter *Vvëceslaus Trnoska*, de quo nihil accepi; alter *Martinus Ignatius Coad.*

ibid.
atat. 63.

Euchar.

B.V.

Hic magno martyrij desiderio flagrabat semper; imò & spe: ad quam putatur diuinitus fuisse erectus. Diuino Eucharistiæ Sacramento partus, dulcissimè lachrymabatur. In colenda Virgine Beatissima erat assiduus; eamque amoris tenerioris flagrantiam ex ipso Matris diuinæ vultu aliquãdo spectato hausit, aut potiùs, ampliùs inflammavit. Creditur enim aliquando illi Virgo Beatiss-

tissima se spectabilem præ-
buisse.

IVNIUS.

Blasius Schelling. Coad.

INtegerrimi ad vigilandū,
orandum, laborandum,
exempli vir. cū, irrumpen-
te milite Suecico, hæreticis
S. Sebastiani reliquias, ac the-
saurum prodere iuberetur,
fronte fune contorto constri-
ctâ arbori alligatus; IESVS
MARIA, aiebat, thesaurum
non scio. Quare funis & ca-
put illi gladio fissum est, ce-
rebrumque dispersum; cada-
uer fimo contactum.

P. Cornelius Boudin Godinez.

Hunc nullius vnquã vio-
latæ nostræ legis reum fuisse
dixere attenti quidam, qui
eum pernovere. SS. Euchari-

H 2 stia

*German^o,
Ebersper-
ge.*

*1. Iunij
1632.*

*etat. 78.
Soc. 53.*

Reliquiæ.

*Belga .
apud*

*Tarau-
marenses .*

*4 Iunij .
1650.*

*etat. 40.
Soc 15.*